

**ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ
ԻՆՍՏԻՏՈՒՏԻ ԱՌԱՋԻՆ ԿՈՒՐՍԻ ՈՒՍԱՆՈՂՆԵՐԻ ՄԱՍՆԱԳԻՏՈՒԹՅԱՆ
ԸՆՏՐՈՒԹՅԱՆ ԴՐՂԱՊԱՏՃԱՌՆԵՐԻ ԵՎ ԿՐԹԱԿԱՆ ՄԻՋԱՎԱՅՐԻ
ԲԱՐԵԼԱՎՄԱՆ ՎԵՐԱԲԵՐՅԱԼ ՀԱՐՑՄԱՆ ԱՐԴՅՈՒՆՔՆԵՐԻ
ՎԵՐԼՈՒԾՈՒԹՅՈՒՆ**

05.03.2021թ.

ՆԵՐԱԾՈՒԹՅՈՒՆ

Կրթության ոլորտն առանցքային նշանակություն ունի յուրաքանչյուր երկրի սոցիալ-տնտեսական զարգացման հայեցակարգում: Այն մարդկային կապիտալի կուտակման, որակական աճի ապահովման, երկարաժամկետ զարգացման, ինչպես նաև գիտելիքահեն հասարակության ու տնտեսության կառուցման անկյունաքարն է:

Այս համատեքստում ուսանողների ակտիվ ներգրավվածությունը և պահանջատիրությունը կարող են ձևավորել ուսանողակենտրոն կրթական միջավայր և նպաստել կրթության որակի շարունակական բարելավմանը:

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ ՀՖԿՍՊԻ) կարևորում է ուսանողների ներգրավվածությունը կրթության որակի ապահովման գործընթացներում և ուսանողների հետ համագործակցության և հետադարձ կապի ապահովման տարբեր ձևեր մշակում (ուսանողական հարցումներ, ֆոկուս խմբային հետազոտություններ, ֆորումներ և աշխատաժողովներ):

1. Հետազոտության նպատակը

2019-2020 ուսումնական տարվանից ՀՖԿՍՊԻ Որակի ապահովման բաժինը (ՈԱԲ) իրականացնում է ուսանողական հարցում Ինստիտուտի առաջին կուրսի ուսանողների հետ, որը նպատակ ունի պարզելու սովորողների՝ ՀՖԿՍՊԻ-ում սովորելու որոշման վրա ազդող գործոնները, բացահայտելու տվյալ մասնագիտության ընտրության դրդապատճառները, վերհանելու ուսանողների կրթական ակնկալիքներն ու սպասումները և նրանց տեսանկյունից արժևորելու կրթական միջավայրի բարելավման առաջնահերթությունները:

2020-2021 ուսումնական տարում իրականացված հարցման արդյունքների վերլուծությունը միտված է նաև տեսանելի դարձնելու ուսանողի հետ հետադարձ կապի միջոցով ստացվող տեղեկատվության հիման վրա իրականացվող փոփոխությունների դինամիկան, քանի որ բոլոր այն գործընթացները և վերափոխումները, որոնք իրականացվում են ներքուհական կրթական համակարգում կարող են համարվել արդյունավետ, եթե բարձրացնում են ուսանողների սովորելու մոտիվացիան և ներգրավվածությունը կրթական միջավայրի բարելավման գործընթացներում:

2. Հետազոտության ընտրանքը և մեթոդաբանությունը

Սոցիոլոգիական ընտրանքը որոշելիս նախապես ենթադրվում է, որ հետազոտվող հատկանիշի նկարագրության ժամանակ հարցվածների հիմնական մասը՝ տվյալ դեպքում 68,2%-ը, համախմբվում է տվյալ փոփոխականի միջին արժեքի շուրջ, ընդ որում՝ միջինից հնարավոր տատանումները կարող են կազմել ոչ ավելի քան 10%¹: Նշենք նաև 20% ընտրանքի սխալի մասին, որը գրեթե միշտ անխուսափելի է լինում քանակական հետազոտությունների ժամանակ: Պահպանելով սոցիոլոգիական հետազոտության ընտրանքի բոլոր կանոնները՝ հարցումը իրականացվել է առցանց՝ առաջին կուրսի 345 ուսանողների շրջանում: Հարկ է նկատել, որ հարցմանը ներգրավված 99 ուսանող (28,7%) ընդհանրապես չի արձագանքել էլեկտրոնային փոստի հասցեին ուղարկված առցանց հարցման հայտին: Ուսանողներից 24,3%-ը (84 հոգի) հրաժարվել է մասնակցել հարցմանը՝ մատնանշելով հստակ պատճառներ, ինչպես օրինակ՝ ազգային բանակ զորակոչվելը՝ (23 ուսանող), ուսանողական հարցմանը ուսանողության մասնակցության անկարևորությունը՝ (27 ուսանող), սոցիալական մասնակցելու հետաքրքրվածության և ցանկության բացակայությունը (15 ուսանող) և ժամանակի սղությունը (19 ուսանող):

Այսպիսով՝ հարցմանը մասնակցել է ընտրանքային կազմում ներառված 261 ուսանողներից 162-ը, որը կազմում է 62%:


3. Հարցման անցկացման և արդյունքների ամփոփման ընթացքը

Հարցումն իրականացվել է նախապես մշակված և ՀՖԿՍՊԻ Գիտական խորհրդի կողմից հաստատված հարցաթերթի հիման վրա (**տե՛ս Հավելված 1**) և անցկացվել է էլեկտրոնային տարբերակով: Հարցաթերթերը լրացվել են անանունության սկզբունքով: Էլեկտրոնային հարցման արդյունքները մշակվել են Google Doc-ի, իսկ բաց և կիսափակ հարցերը՝ ՈԱԲ-ի սոցիոլոգի կողմից:

¹Բալասանյան Ս. Վարդանյան Ն. «ԶԳԿ հետազոտական կարողությունների գործնական զարգացման» ուղեցույց


1. ՀԱՐՑՄԱՆ ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ

Հետազոտությանը մասնակցել են ՀՖԿՍՊԻ Մարզչամանկավարժական (այսուհետ՝ ՄՄ) և Առողջարարական տեխնոլոգիաների, սպորտային տուրիզմի և կառավարման (այսուհետ՝ ԱՏՍՏԿ) ֆակուլտետների տարբեր ամբիոնների առաջին կուրսի 162 ուսանող: Հարցման մասնակիցների սեռատարիքային պատկերը ներկայացված է Գծապատկեր 1-ում և 2-ում:




Ինչպես երևում է գծապատկեր 1-ից, հարցմանը մասնակցած ուսանողների զգալի մասը՝ 79,6%-ը (129 ուսանող) արական սեռի ներկայացուցիչներ են, իսկ 20,4%-ը՝ (33 ուսանող) իգական սեռի:

Հարցմանը մասնակցած 162 ուսանողներից 159-ն է նշել այն ֆակուլտետը, որտեղ սովորում է: (Տե՛ս Գծապատկեր 3):




Ինչպես երևում է գծապատկերից, համաչափությունը գրեթե պահպանվում է: Հարցման մասնակիցների ներգրավվածությունը՝ ըստ ամբիոնների ներկայացված է գծապատկեր 4-ում:



Ինչպես երևում է հարցման արդյունքներից, հետազոտությանը ամենաակտիվ ներգրավվածությունն են ունեցել՝ Մարզական լրագրության (100%), Ֆիզիկական վերականգնման (77,7%) Մարմնամարզության, սպորտային պարերի, գեղասահքի և շախմատի (78,6%), ՖԴՏ մեթոդիկայի և ԱՖԿ (66,7%) ամբիոնները:


Համեմատաբար պասիվ ներգրավվածություն են ունեցել ըմբշամարտի և արևելյան մարզաձևերի (85-ից 9 ուսանող) և մարզախաղերի (25-ից 8 ուսանող) ամբիոնների ուսանողները:

Հարցաթերթում ներառված հաջորդ հարցը վերաբերում էր ուսանողների ընդգրկվածությանը՝ ըստ քաղաքային և մարզային համայնքների (պատասխանները՝ Գծապատկեր 5-ում):



Ներկայացված տվյալներից պարզ է դառնում, որ 2020-2021 ուստարում մեծացել է ՀՀԿՍՊԻ դիմած ուսանողների տարածքային համախառն ընդգրկվածությունը. ըստ նախորդ տարվա հարցման արդյունքների՝ Ինստիտուտ են եկել սովորելու 6 մարզից, իսկ այս տարի՝ 10-ը:


2019-2020 ուսումնական տարվա ցուցանիշների համեմատությամբ՝ այս տարի մեծ է նաև ՀՀ տարբեր քոլեջներից ՀՖԿՍՊԻ ընդունվողների թիվը՝ 11 ուսանող (6,6%): Հարցմանը մասնակցած ուսանողների 9,8%-ը (16 ուսանողներ) բուհ են ընդունվել Երևանի օլիմպիական հերթափոխի պետական մարզական քոլեջից (ԵՕՀՊՄՔ), իսկ 1,2%-ը (2 ուսանող)՝ Գյումրու օլիմպիական հերթափոխի պետական մարզական քոլեջից (ԳՕՀՊՄՔ): 2020-2021 ուսումնական տարում ՀՖԿՍՊԻ ընդունվածների թվում կան նաև ուսանողներ հարևան երկրներից (Վրաստան՝ 4 ուսանող, Իրան՝ 2 ուսանող):



Ինչպես ներկայացված է գծապատկեր 6-ում, հարցվածների կեսից ավելին (56,8%) ընկերներից է իմացել Ինստիտուտում սովորելու հնարավորությունների մասին: Ուսանողների 37,6%-ը նշել է, որ Ինստիտուտում ներկայումս սովորող ուսանողներն են ուղղորդել դեպի ՀՖԿՍՊԻ:

Ինստիտուտում գործող կրթական ծրագրերի մասին բուհի պաշտոնական կայքի և ֆեյսբուքյան էջի միջոցով տեղեկացել է ուսանողների միայն 15,4%-ը (25 ուսանող): Ուսանողների 4,8%-ը դեռևս վաղ տարիքից է իմացել Ինստիտուտի մասին, 4,2%-ը տեղեկացել է մարզիչից, իսկ 1,9%-ը՝ բուհի կողմից կազմակերպվող մասնագիտության կողմնորոշման այցերից:

Դրական փաստ է, որ բուհի ներկայիս սովորողներն ու շրջանավարտները ապագա ուսանողներին խորհուրդ են տալիս դիմել հենց ՀՖԿՍՊԻ:



(Հարցը ենթադրում էր մի քանի պատասխանի հնարավորություն, այդ իսկ պատճառով տոկոսների ընդհանուր գումարը գերազանցում է 100%-ը:)


Ինչպես երևում է ներկայացված արդյունքներից, ՀՖԿՍՊԻ-ում սովորող ուսանողների մեծ մասը (60,5%) կարևորում է մասնագիտական գիտելիքների և կարողությունների ձեռքբերումը: Պատասխանների համեմատաբար մեծ բաշխվածություն է կազմում «մասնագիտության նկատմամբ մեծ պահանջարկ» տարբերակը, որը ընտրվել է հիմնականում Ֆիզիկական վերականգնման ամբիոնի ուսանողների կողմից (44 ուսանող՝ ընդհանուր 67 մասնակիցներից):

Հարցվածներից 23-ը (14,2%) նշել է բարձր աշխատավարձով աշխատանք գտնելու ակնկալիքը, իսկ 14-ը (8,6%) ընդգծել է ինքնադրսևորման հնարավորությունը:

Պետք է ուշադրություն դարձնել այն փաստին, որ հարցվածներից 10 ուսանող ընտրել է «առանց գիտելիքի դիպում ստանալու անհնարինությունը»՝ որպես կրթություն ստանալու կարևոր դրդապատճառ: Այս պատասխանի տարբերակը նախորդ հարցման ժամանակ հարցվածներից և ոչ մեկը չէր ընտրել: Նման ցուցանիշը թույլ է տալիս եզրակացնել, որ բուհ ընդունվողների մի մասը համոզված է, որ Ինստիտուտում գիտելիքը կարևորվում է և առանց մասնագիտական գիտելիքի դիպում ստանալը անհնար է: Հարցվածներից 9 ուսանող (5,6%) նշել է, որ ՀՖԿՍՊԻ-ում սովորում է մասնագիտական որակավորմամբ դիպում ձեռքբերելու համար:

Հիմք ընդունելով պատասխանների վերլուծությունը՝ կարող ենք եզրակացնել, որ ուսանողները մեծ ակնկալիքներ ունեն բուհում ձեռք բերելու համապատասխան մասնագիտական գիտելիքներ ու կարողություններ:


Հարցման մասնակիցները նշել են նաև՝ թե ինչու են որոշել սովորել ՀՖԿՍՊԻ-ում: Այս հարցը ենթադրում էր պատասխանի մի քանի տարբերակի հնարավորություն, այդ պատճառով պատասխանների տոկոսային ընդհանուր գումարը գերազանցում է 100%-ը (տես՝ Գծապատկեր 8):



Հարցի պատասխանների վերլուծությունից պարզ է դառնում, որ հարցվածների զգալի մասը (42%) դիմել է ՀՖԿՍՊԻ, քանի որ հետաքրքրված է բուհում գործող մասնագիտացումներով:

Ուսանողների 34,6%-ը կարևորել է Ինստիտուտի բարձրորակ կրթությունը, իսկ 31,5%-ին գրավել է մարզչամանկավարժական ոլորտի կրթությունը: Հետաքրքիր է, որ հարցվածներից 5 ուսանողի համար ՀՖԿՍՊԻ ընդունվելը ավելի հեշտ է, քան այլ բուհ, իսկ մեկ այլ դեպքում՝ ուսանողների (5 ուսանող) կարծիքով բուհում սովորելը հնարավորություն է տալիս համատեղել սպորտային մարզումները և ավելի մասնագիտանալ ոլորտում:


Մասնագիտության ընտրության մասին հարցին պատասխանել են հարցման գրեթե բոլոր մասնակիցները (պատասխանները՝ Գծապատկեր 9-ում):



Ներկայացված տվյալներից երևում է, որ հարցված ուսանողների մեծ մասին (45,3%) հոգեհարազատ է իր ընտրած մասնագիտությունը: Մեծ է նաև այն

ուսանողների թիվը (31,8%), ովքեր կարծում են, որ բուհը ավարտելուց հետո կկարողանան իրենց մասնագիտությամբ աշխատանք գտնել: Հարցվածների 7,1%-ը ծնողների խորհրդով է ընտրել իրենց մասնագիտությունը, 9,4%-ը նշում է, որ իր մասնագիտության պահանջարկը մեծ է, իսկ 4%-ի կարծիքով իր մասնագիտությունը մոդայիկ է:


Ուսանողները պատասխանել են «ՀՖԿՍՊԻ-ում ի՞նչն է Ձեզ դուր գալիս» հարցին. պատասխանները՝ Գծապատկեր 10-ում:



Ինչպես երևում է պատասխանների բաշխվածությունից, ուսանողները առանձնացնում են Ինստիտուտի պրոֆեսորադասախոսական անձնակազմի մասնագիտական բարձր որակները (28,6%), կարևորվել է նաև ուսանողների նկատմամբ անհատական վերաբերմունքը (24,8%) և ուսանողական հագեցած կյանքը (23%): Հարցվածների 15%-ին դասավանդման նորարարական մոտեցումներն ու մեթոդներն է դուր գալիս, իսկ 5,1%-ին՝ Ինստիտուտում առկա ռեսուրսներն ու ծառայությունները:

Հարցվածները ներկայացրել են նաև հակառակ հարցի պատասխաններն ու կարծիքները. պատասխանները՝ Գծապատկեր 11-ում:

Գծապատկեր 11
ՀՖԿՍՊԻ-ում Ձեզ ի՞նչը դուր չի գալիս




Ինչպես երևում է գծապատկեր 11-ից ուսանողները հիմնականում դժգոհում են շենքային պայմաններից (20,3%), հեռավար ուսուցման պայմաններում լսարանային դասեր չլինելուց (13%), գնահատման համակարգից (12,5%), լսարանների կահավորանքից (12,5%)։ Ուսանողների 14%-ը նշում է, որ Ինստիտուտում իրեն ամեն ինչ դուր է գալիս։ Հարցվողներին ՀՖԿՍՊԻ-ում դուր չեն գալիս նաև բուհի տեղեկատվական միջոցները (17 ուսանող), դասավանդման մեթոդները (16 ուսանող), ուսանողների նկատմամբ վերաբերմունքը (6 ուսանող)։

Համեմատաբար ավելի ցածր վարկանիշ են ստացել պատասխանների հետևյալ տարբերակները՝

- ✓ Մասնագիտական գրականության պակասը-1,2%
- ✓ Բուժետի բացակայությունը-1,2%
- ✓ Դասերի 80 րոպե լինելը-1,2%
- ✓ Մուտքի դուռը-0,6%
- ✓ Առարկաների անհամաչափ բաշխվածությունը-0,6%
- ✓ Բուհում դիմակ չկրելը-0,6%

Հարցված ուսանողները նշել են Ինստիտուտում կրթական գործընթացի կազմակերպման դրական կողմերը, որոնք ներկայացված է Գծապատկեր 12-ում։



Հարցմանը մասնակից ուսանողների կարծիքով՝ Ինստիտուտում պատրաստում են բարձր որակավորում ունեցող մասնագետներ (18,6%) և դասախոսների բարձր գիտելիքներն ու ուսանողներին ցուցաբերվող լավ վերաբերմունքը (18%) բուհում դրական կողմ է համարվում: Նկատենք նաև, որ հարցվածների 22,3%-ը ձեռնպահ է մնացել որևէ տեսակետ հայտնելուց:

Հարցված ուսանողների 5,5%-ը բուհում ուսումնառության դրական կողմ է համարում Ինստիտուտում տիրող մթնոլորտը, իսկ 3 ուսանողի կարծիքով էլ բուհում ուսումնառության դրական կողմեր չկան: Ըստ 2 ուսանողի ՀՖԿՍՊԻ-ում ուսումնառության դրական կողմեր են սպորտային կյանքը և մարզումները, իսկ 2 ուսանող էլ նշել է, որ իր սպասելիքները արդարացված են և ամեն օրը բուհում հագեցած ու հետաքրքիր է:


Համեմատաբար համաչափ են բաշխված պատասխանների հետևյալ տարբերակներ՝

- ✓ Ազատ տեղաշարժը-1,2%
- ✓ Հետազայում աշխատանք ձեռք բերելը-1,2%
- ✓ Լեզվական գիտելիքների բարելավումը-0,6%
- ✓ Լսարանային դասերի լինելը-0,6%
- ✓ Խստությունը-0,6%
- ✓ Պրակտիկան-0,6%

Ուսանողների նշած պատասխանները թույլ են տալիս ենթադրել, որ ուսանողներին Ինստիտուտում գրավում է մասնագիտական բարձր և որակյալ

գիտելիք ստանալը, ինչպես նաև դասախոսների մի մասի մասնագիտական բարձր որակներն ու անհատական վերաբերմունքը ուսանողի նկատմամբ:

Հարցաթերթում ներառված բաց հարցերով ուսումնասիրվել են Ինստիտուտում ուսումնառության բացասական կողմերի վերաբերյալ սովորողների արտահայտած կարծիքներն ու գնահատականները (պատասխանները՝ Գծապատկեր 13-ում):




Պատասխանների վերլուծությունից երևում է, որ հարցմանը մասնակցած ուսանողների զգալի մասի (59,2%) կարծիքով Ինստիտուտում ուսումնառության բացասական կողմեր չկան, իսկ 19%-ը հարցին չի պատասխանել: Ուսանողները բուհում ուսումնառության բացասական կողմ են համարում հեռավար դասերը (3%), բուժետի բացակայությունը (2,3%), դասաժամերի երկարությունը (2,3%), տեղեկատվության պակասը (2,3%), շենքային պայմանները և լսարանների կահավորանքը (2,3%): Հարցվածներից 4 ուսանող էլ դժվարացել է պատասխանել հարցին: Ինստիտուտի մարզական գույքի պակասը և հին լինելը բացասական կողմ է համարել 3 ուսանող, իսկ հարցման մասնակիցներից 3-ը դժգոհել է գնահատման համակարգից:


Համաչափ են բաշխվել գրքերի պակասից (1 ուսանող), որոշ դասախոսների վերաբերմունքից (1 ուսանող) և դասավանդման մեթոդներից (1 ուսանող) դժգոհություն հայտնողների պատասխանները: Հարցման մասնակիցներից մեկը բուհում ուսումնառության բացասական կողմ է համարում այն, որ ուսանողին հնարավորություն չի տրվում իր ուսումնառության մի հատվածը անցկացնել արտերկրում:

Հարցման միջոցով պարզել ենք նաև ուսանողների կարծիքը բուհում գործող գնահատման համակարգի վերաբերյալ: Գնահատման համակարգի թերությունների

վերաբերյալ ուսանողների կողմից տրված պատասխանները ներկայացված են Գծապատկեր 14-ում:




Ինչպես երևում է գծապատկեր 14-ից, հարցվածների զգալի մասի համար (55 ուսանող) հստակ չէ, թե ինչպես է ձևավորվում ամփոփիչ գնահատականը, իսկ 16,4%-ի համար (23 ուսանող) գնահատման համակարգի թերությունն է դասախոսի սուբյեկտիվ մոտեցումը: Ուսանողների 15,7%-ի համար Ինստիտուտի գնահատման համակարգն ամբողջությամբ թերի է, իսկ 20 (14,3%) ուսանողի համար էլ բուհում գործող գնահատման համակարգը թերություններ չունի: Ուսանողներից 12,9%-ը նշում է, որ բուհում բարեկամական և ընկերական կապերի ազդեցությունը գնահատման համակարգի լուրջ թերություններից է, իսկ 1 ուսանող անհանգստություն է հայտնել, որ քննական թերթիկները միայն կաշուն ժապավենով ամրացնելը չի ապահովում դրանց լիարժեք գաղտնիությունը:



Ըստ գծապատկեր 15-ում ներկայացված տվյալների՝ ուսանողների մեծամասնությունը (88,5%) ուսումնառության ավարտին ցանկանում է ունենալ

մասնագիտական անհրաժեշտ գիտելիքներ և աշխատելու հնարավորություն: Ուսանողներից 22-ը (9,6%) կարևորում է միայն դիպլոմի առկայությունը, իսկ 2 ուսանող ընդգծում է՝ պրակտիկ դասընթացների ավելացման անհրաժեշտությունը:

Հետազոտության շրջանակում կարևոր էր պարզել նաև, թե որքան է բուհի ուսանողների՝ սեփական մասնագիտությամբ աշխատելու մոտիվացիայի և պատրաստակամության աստիճանը (Տե՛ս Գծապատկեր 16):



Ըստ հարցման արդյունքների՝ հարցված ուսանողների զգալի մասը (67,6%) պատրաստվում է բուհն ավարտելուց հետո իր մասնագիտությամբ աշխատել, իսկ 19,8%-ը դեռևս չի կողմնորոշվել: Ուսանողներից 15-ը արդեն աշխատում է իր մասնագիտությամբ, իսկ 6 ուսանող չի ցանկանում և չի պատրաստվում աշխատել իր մասնագիտությամբ:

Ուսանողների կողից տրված պատասխանների վերլուծությունը թույլ է տալիս եզրակացնել, որ ուսանողների շրջանում կա աշխատաշուկայում սեփական մասնագիտությամբ իրացվելու պահանջմունք, ինչպես նաև մեծ է ուսանողների աշխատանքային մոտիվացիան:

Հարցումը ամփոփող բաժնում ուսանողները կատարել են ներկայիս կրթական միջավայրի բարելավման առաջարկություններ, որոնք ընդհանրացված կերպով ներկայացված են աղյուսակ 1-ում:

Աղյուսակ 1

Կրթական միջավայրի բարելավման առաջարկություններ	Պատասխանների կրկնման հաճախականությունը
1.Առաջարկ չի ներկայացրել	90
2.Չի պատասխանել հարցին	33
3.Ամեն ինչ լավ է	16
4.Գրադարանը ապահովել մասնագիտական նոր գրականությամբ	7
5.Ներդնել դասավանդման նոր մեթոդներ	6
6.Ուսուցումը դարձնել լսարանային և պրակտիկ/ բարելավել ուսուցման որակը	9
7.Ավելի շուտ կազմակերպել պրակտիկան	4
8.Նորացնել մարզագույքն ու մարզաբազան	3

9.Ներդնել միջազգային տերմինաբանություն	3
10. Կազմակերպել մարզական տարբեր միջոցառումներ	3
11. Դասերի տևողությունը կրճատել մինչև 60 րոպե	2
12. Կիսամյակի ընթացքում ուսուցանել հիմնականում մասնագիտական առարկաներ և շատացնել մարզումները	4
13. Բացել բուֆետ	2
14. Համագործակցել օտարերկրյա բուհերի հետ	2
15. Բուհում ժամանցի վայր ստեղծել	2
16. Տարանջատել սանհանգույցը (աղջիկ-տղա)	1
17. Վերանայել գնահատման համակարգը	1
18. Բարելավել տեղեկատվական համակարգի գործունեությունը	1
19. Շենքը լիովին դարձնել հասանելի հենաշարժողական խնդիր ունեցողների համար	1
20. Ինստիտուտը վերանվանել համալսարանի և համապատասխանեցնել համալսարանի չափանիշներին	1
21. Ուսանողներին հնարավորություն տալ զուգահեռ մեկ այլ մասնագիտություն ուսումնասիրել	1
22. Կիսամյակին քննությունները կազմակերպել նաև բանավոր, ինչը հնարավորություն կտա դրսևորելու հաղորդակցվելու ունակություններ	1
23. Կիսամյակի վերջում կազմակերպել խորհրդատվություն քննական առարկաների, ստուգարքների վերաբերյալ	1
24. Սովորեցնել սպորտային բիզնես ստեղծելու գիտելքներ	1

Հատկանշական է, որ ուսանողների մեծ մասը (90 ուսանող) նշել է, որ որևէ առաջարկ չունի, իսկ 33 ուսանող ընդհանրապես չի պատասխանել հարցին:

Համեմատաբար շատ են այն ուսանողները, ովքեր առաջարկել են, որ Ինստիտուտի գրադարանը ապահովված լինի մասնագիտական նոր գրականությամբ, բուհում ներդրվեն դասավանդման նոր մեթոդներ, ուսուցումը դառնա լսարանային և պրակտիկ: Հարցվածներից 4 ուսանող էլ ցանկություն է հայտնել, որ բուհում պրակտիկաները ավելի շուտ կազմակերպվեն (նկատի ունեն՝ 1-ին կուրսից):

ԵԶՐԱԿԱՅՈՒԹՅՈՒՆ

ՀՖԿՍՊԻ առաջին կուրսի ուսանողների հարցման արդյունքների վերլուծությունը թույլ է տալիս որոշակի եզրակացությունների և հետևությունների հանգել, ինչպես նաև պարզել ուսանողների մասնագիտության ընտրության կոնկրետ դրդապատճառներ:

Հարցման արդյունքների վերլուծությունը ամփոփելով կարող ենք եզրակացնել, որ՝

1. ՀՖԿՍՊԻ ընդունվում են ոչ միայն ՀՀ ողջ տարածքի տարբեր ուսումնական հաստատություններից, այլ նաև հարևան երկրներից:
2. Համեմատած նախորդ տարվա վերլուծության արդյունքների հետ, որոշակիորեն ավելացել է ՀՖԿՍՊԻ պաշտոնական կայքի և ֆեյսբուքյան էջի միջոցով բուհի մասին տեղեկացողների թիվը:
3. Ուսանողները ընդունվել են ՀՖԿՍՊԻ հիմնականում մասնագիտական կարողություններ և հմտություններ ձեռք բերելու նպատակով:
4. Դիմորդների շրջանում մեծացել է ՀՖԿՍՊԻ մասնագիտությունների նկատմամբ հետաքրքրությունը:
5. ՀՖԿՍՊԻ ընդունվողներին գրավել է բուհի բարձրորակ կրթությունը և մարզչամակավարժական ոլորտում մասնագիտանալը:
6. ՀՖԿՍՊԻ ընդունվողների մեծ մասը ակնկալում է, որ ուսուցման ավարտին ձեռք կբերի իր ընտրած մասնագիտությամբ աշխատելու համար անհրաժեշտ գիտելիքներ և կարողություններ:
7. Ուսանողներին բուհում դուր է գալիս պրոֆեսորադասախոսական կազմի մասնագիտական բարձր որակները և ուսանողներին ցուցաբերվող անհատական վերաբերմունքը:
8. Ուսանողները իրենց դժգոհությունն են հայտնում բուհի գնահատման համակարգից և շենքային ու լսարանային պայմաններից:
9. ՀՖԿՍՊԻ-ում ուսումնառության բացասական կողմերն են՝ հեռավար դասերը, բուֆետի բացակայությունը, դասաժամերի երկարությունը, մարզական գույքի և մասնագիտական գրականության պակասը:
10. Բուհի առաջին կուրսի ուսանողների համար հստակ չէ, թե ինչպես է ձևավորվում ամփոփիչ գնահատականը:
11. ՀՖԿՍՊԻ ընդունված ուսանողների շրջանում մեծ է աշխատանքային մոտիվացիան և սեփական մասնագիտությամբ կայանալու պահանջմունքը:
12. Առաջին կուրսի ուսանողները առաջարկում են ներդնել դասավանդման նոր մեթոդներ, ուսուցումը դարձնել լսարանային, շատացնել մասնագիտական առարկաներն ու մարզումները:

Հիմք ընդունելով հարցումների արդյունքներն ու արված եզրահանգումները՝ ներկայացնում ենք հետևյալ **առաջարկություններն ու երաշխավորությունները**.

1. Ավելի ակտիվացնել ՀՖԿՍՊԻ պաշտոնական տեղեկատվական հարթակների աշխատանքը:
2. Շարունակաբար կազմակերպել մասնագիտության կողմնորոշման այցեր ՀՀ տարբեր ուսումնական հաստատություններ, ինչպես նաև կազմակերպել տեղեկատվական էքսկուրսիաներ Ինստիտուտի տարածքում դպրոցականների համար՝ Ինստիտուտին և մասնագիտություններին ավելի լավ ծանոթանալու նպատակով:
3. Ուսուցման գործընթացում մեծացնել պրակտիկայի կարևորությունը և տևողությունը:
4. Ինստիտուտի գրադարանը ապահովել անհրաժեշտ մասնագիտական գրականությամբ:
5. Դասավանդման գործընթացում ներդնել ինտերակտիվ և նորարարական մեթոդներ:
6. Նորացնել մարզագույքն ու մարզաբազան: